

SARS EFILING E BONTSHA KGOLO KA DIBEKE TSE PEDI TSA PELE TSA SEHLA SA LEKGETHO

PRETORIA, Moqebelo 13 Phupu 2019 – Ditshebeletso tsa Lekgetho tsa Afrika Borwa (SARS) di motlotlo ho tsebisa hore ho bile le keketseho ya diphesente tse hlano tsa tshebediso ya eFiling dibekeng tse pedi tsa pele tsa Sehla sa Lekgetho sa 2019.

Ho tloha maobane (Labohlano la 12 Phupu), SARS e ne e se e fumane dinyehelo tsa lekgetho la lekeno tse fetang 456 000 tsa batho ka bomong ka tsela ya eFiling papisong le ngwahola mmoho le dinyehelo tse 36 600 tse tlleng ka tsela ya SARS MobiApp.

SARS e kentse Wi-Fi makaleng a yona ho thusa balefalekgetho ho fetohela dikaneleng tsena tse pedi tsa dijithale, eFiling le SARS MobiApp, ka sepeho sa ho ntlafatsa tshebediso ya dikanele tsena tse pedi tsa dijithale.

SARS e hopotsa balefalekgetho ka matsatsi a latelang a Sehla sa Lekgetho. Dinyehelo makaleng a SARS di tla amohelwa pakeng tsa la 01 Phato le la 31 Mphalane, ha basebedisi ba eFile le MobiApp ba na le ho fihlela ka la 04 Tshitwe.

SARS e hlokometse hore ho na le balefalekgetho ba bang ba tobanang le mathata mabapi le metjha ya tefo ya dipusetso, tekolo, netefatso kapa oditi. SARS e kopa tshwarelo bakeng sa tshitiso efe kapa efe e bileng teng.

Re batla ho hopotsa balefalekgetho kaofela bao ebang ba kgethetswe e meng ya metjha ya rona ka boitlamo ba rona ba Tjhata ya Tshebeletso bo reng:

Ebang o lokela ho fumana pusetso monongwaha mme o sa kolote letho mme maitlamo ohle a kgotsofaditswe, ho bile ho ikamahantswe le metjha ya taolo ya SARS mme ho sa hlokehe tekolo, netefatso kapa ho hlokeha oditi kapa ebang e phethetswe, re tla tsitlallela:

- Ho lefa dipusetso tsa nako ya jwale ya ho faela tse ka hodimo ho R100 matsatsing a 7 a kgwebo ka mora ho phethelwa ha hlahlobo.
- Ebang o kgethetswe hlahlobo, netefatso kapa oditi, re tla tsitlallela:
 - Ho o tsebisa hore kgutliso kapa tsebahatso ya hao e tla fumantshwa netefatso matsatsing a 15 a kgwebo ka mora hore o nehelane ka yona, ebang kgutliso ya hao e le ya nako ya jwale ya ho faela.
 - Ho phethela netefatso ena matsatsing a 21 a kgwebo ho tloha ka letsatsi leo ditokomane tsohle tsa tshehetso di fumanweng ka lona, ebang kgutliso ya hao e le ya nako ya jwale ya ho faela.
 - Ho phethela oditi matsatsing a 90 a kgwebo ho tloha ka letsatsi leo ditokomane tsohle tsa tshehetso di fumanweng ka lona.

Ho tse mabapi le lesedi la banka, balefalekgetho ba lokela ho hlokomela hore Dikgutliso tsa Lekgetho la Lekeno tsa batho ka bomong di tla kenngwa lesedi lena ho tloha ka 2020. Le ha ho le jwalo, lesedi lena le ka kenngwa ka letsoho selemong sena sa lekgetho sa 2019.

Ho na le ditokiso tse mmalwa tse tlang ho etswa mafelong ana a beke ho sebetsana le pehelo eo re e fumaneng ho tswa ho balefalekgetho.

SARS e sebetsa mmoho le ditsebi tsa lekgetho ka Mekga e Ananetsweng ya Taolo (RCBs) mme e leboha mekga ena ka tshebedisano ya yona ho thuseng ho tlisa tshebeletso e hlwahlwa ho balefalekgetho.